

প্রকাশ : ১৫ এপ্রিল, ২০১৬ ১৫:০০

# আইএস প্রধানের সাক্ষাৎকার দেশি-বিদেশি ষড়যন্ত্র

মধ্যপ্রাচ্য বিশেষ করে সিরিয়া, ইরাক ও লিবিয়াভিত্তিক জঙ্গি সংগঠন ইসলামিক স্টেটের (আইএস) কথিত বাংলাদেশ প্রধানের সাক্ষাৎকার প্রকাশকে দেশি-বিদেশি ষড়যন্ত্র বলে মন্তব্য করেছেন স্বরাষ্ট্রমন্ত্রী আসাদুজ্জামান খান কামাল। তিনি জানান, বাংলাদেশে আইএসের কোনো সাংগঠনিক ভিত্তি নেই, তবে তাদের অনুসারী থাকতে পারে।

গত বুধবার আইএসের মুখপত্র 'দাবিক' ম্যাগাজিনে জঙ্গিগোষ্ঠীটির কথিত বাংলাদেশ শাখার প্রধান হিসেবে অজ্ঞাতপরিচয়ের শেখ আবু-ইব্রাহিম আল-হানিফের নাম ঘোষণা করা হয়। ম্যাগাজিনটিতে আবু হানিফের একটি সাক্ষাৎকারও প্রকাশ করা হয়। এতে তিনি বাংলাদেশের কৌশলগত অবস্থানের সুবিধের কথা ব্যাখ্যা করে ভবিষ্যতে ও হিন্দু ভারত এবং বৌদ্ধ বার্মার বিরুদ্ধে কথিত জিহাদ পরিচালনার কথা বলেন। মুসলিম হত্যার প্রতিশোধ এবং ওই অঞ্চলে আইএসের খিলাফত প্রতিষ্ঠাই এই জিহাদের লক্ষ্য বলে তিনি জানান।